

摘藻堂四庫全書薈要

集部

欽定四庫全書薈要

集部

誠齋集卷二十一
至

詳校官助教臣謝登雋



欽定四庫全書薈要卷一萬五千五百九十八

集部

誠齋集卷二十一

宋 楊萬里 撰

朝天集

寄題俞叔奇國博郎中園亭二十六詠

金谷惟堪貯俗塵
輞川今復得詩人
先生道是貧到骨
猶有山園斗大春
右亦好園

洞庭張樂起天風
玉磬吹來墮圃中
却被仙人鐸作水
為君到底寫秋空

右磬湖

烏龍灘下白雲堆
上有狂奴舊釣臺
一夕被君偷取去
至今猶帶漢莓苔

右釣磯

春有兒孫夏有朋
月中寒影雨中聲
鵬晴銷盡一園雪
為底林間雪不晴

右蘆葦林

亦好園中亦好亭
兩重好處兩重貧
客來莫道無供給
抹月批風當八珍

右亦好亭

冰為仙骨水為肌
意淡香幽祇自知
青女素娥非耐冷
一生耐冷是橫枝
右橫枝

橫枝直下是清池
花映清池水映枝
知是君描和靖句
不知和靖寄君詩
右清淺池

舊繞新縈綠萬端
架餘籬剝復垂欄
先生醉帽堆香雪
知自茶蘼洞裏還
右茶蘼洞

湧岫跳峯尺許寬
坐看雲霧起巖間
九疑荒遠巫陽嶮
未必真山勝假山
右小山

錦障豪華笑駸童松圍冷澹惱山翁玉山頓起誰扶著
花作屏風倚暖紅

右花屏

青士從來一徑幽碧衫翠袖佩蒼瑯何年筆戰明光殿
奪得詩仙紫綺裘

右紫君林

冰精方局石橋仙知是柯山幾代孫月借繁星作碁子
夜寒賭得一金盆

右方池

亦好亭兼弄月亭磬湖不許兩通行誰拋蟬螭湖光尾
便有先生拄杖聲

右野橋

身在京師夢在鄉黃花又是一番黃平生不解淵明語
菊却猶存徑却荒

右菊徑

雨餘想見藥苗肥薯蕷堪羹杞可齏有酒何須投益智
先生只要買當歸

右藥畦

碧天如水水如天月入湖中璧樣圓却被先生來弄碎
一團成百百成千

右弄月亭

桃李無言照水光玻瓈盆底洗新粧不須水上紅雲句
水上紅雲不解香

右花嶼

柳下湖光淨一天湖邊垂柳起三眠小蠻自倚腰支裊
照鏡梳頭曉月前 右柳隄

名園曲水費工夫玉甃瓊磨滴水無誰把流觴借詩老
天生九曲一冰渠 右曲水

秧疇水落荇渠尖玉石當中碧一奩石面平鋪波面皺
千花織出水精簾 右水簾

渠水來從林外泓水知湖近各爭鳴何人月下攜枯木
寫取穿雲落澗聲 右水樂

石爰拳然萬仞姿竹君嘯處一川漪更無二客隨巾履
誰見先生覓句時

右竹巖

雁下菰蒲報夕寒鷺將行藻作朝餐野塘只許野人到
不要金張許史看

右野塘

詩人性癖愛看山曉坐堂中夕嬾還只對月山無限好

月山外面八雙鬟

對十六峯

右愛山堂

細雨初寒濕翠裳新晴特地試紅粧無人會得東風意

春色都將付海棠

右海棠塢

昔人只解笑移山未信移山不作難一昨月山三里外
先生擬取近欄杆
右月山

題永新吳景蘇主簿梯雲樓

誰道青雲不可梯君家樓閣與雲齊
諫草詞頭字印泥我昔曾為禾水客夢中猶憶義山西
仇香自有家聲在豈使鸞凰棘上棲

題安城趙寬之充順堂

天潢龍種與人殊五鳳仍傳萬卷書
象服在堂堂草暖

綵衣上壽棣華舒雪中密竹能抽筍冰底寒江更躍魚
趙氏弟兄俱玉樹良齋文字即瓊琚

寄題曾子與競秀亭

老夫上下蓼花灘每過君家輒繫船尊酒燈前山入座
孤鴻月底水連天暄涼書問二千里場屋聲名三十年
競秀主人文似豹不應霧隱萬峰邊

送朝士出使

又見皇華賦北征謫仙俊氣似秋鷹詩成紫塞三更月

金史四庫全書
卷二十一
馬渡黃河十丈冰趙北燕南有人否殲仇獻馘竟誰曾
天家社稷英靈在佳氣時時起五陵

冬至令節稱賀紫宸殿及德壽宮

宮燭奔忙下玉除晨曦拂掠麗儲胥東西班動雲開合
警蹕聲來電卷舒隆準衣裳紅一點御香烟霧碧千爐
勛華二聖天齊壽亞歲年年賀帝居

冬至節後賀皇太子及平陽郡王

長樂鐘聲攪夢驚建章星影照人行千官燈語聽殘點

一夜霜寒在五更金鑰玉篴開北闕銀鞍絲控謁東明
青宮朱邸環天極五色祥雲覆帝城

跋張功父通判直閣所惠約齋詩一稿

句裏勤分似燈前得細嘗孤芳後山種一瓣放翁香苦
處霜爭澀臞來鶴校強不應窮活計公子也忙忙

張功父舊字時可慕郭功父故易之求予書
其意再贈五字

冰雪相投處風期一笑間只今張桂隱絕慕郭青山功

父雙何遠相如了不關鳥飛暮天碧此句急追還

走筆和張功父玉照堂十絕句

健青新走一梢長外日東風引得狂定自今番春色裏
新枝別樣占年光

年年春信遣人疑賺出詩人枉覓詩着意探梅偏不發
月斜偶見一橫枝

騷女癡兒總愛梅道人衲子亦爭裁何如雪後瑤瑤跡
却記詩人獨自來

梅詩脫口已流傳要趁梅前更雪前喚醒誠齋山裏夢
落英如雪枕甄眠

紅紅紫紫儘紵紵韻處終輸庾嶺君未說玉花冰雪骨
新陰先綠半春雲

當年十月未花開雪片今年九月回便有早梅隨早雪
一枝笑看萬花催

今歲畧無霜報寒忽然一夜雪漫漫雪花要作梅花地
十月早梅和雪看

老見千花眼便昏
憶梅長為賦招魂
只令身住西湖上
不羨淮南嶺上邨

玉照堂中瀹早茶
下臨溪水織紋紗
十詩小試春風手
催發溪梅兩岸花

老嬾狂吟不要工
愛君七字晉唐風
更繁傳語梅花道
火急齊開小至中

曉經八盤嶺赴東宮講堂

至前至後恰多晴
山北山南間一登
瘦石經霜乾脫蘚

細泉滴澗旋成冰海波貫日紅千丈江霧縈樓玉萬層
資善堂前得春早宮梅一朵掠觚稜

出北闕門送李舍人出使

同寮緩轡出承華又送雙星水北涯霜外汀洲蘆葉曉
雪餘園圃竹梢斜只驚睡起猶殘月不覺歸時已落霞
白首鴛行徒索米故山今日政梅花

赴文德殿聽麻仍拜表

蒼龍觀闕啟槐宸白玉堦除振鷺羣仗外諸峯獻松雪

霜前一夜度宮雲
舍人就日宣麻制
丞相瞻天進表文
夙退自欣還自笑
素餐便當策殊勲

跋尤延之山水兩軸

水際蘆青荷葉黃
霜前木落蓼花香
漁舟去盡天將夕
雪色飛來鷺一行

水漱瓊沙冰已澌
野鳬半起半猶遲
千竿脩竹一江碧
只欠梅花三兩枝

紫宸殿拜表賀雪

怪來臘日起春風一夜瓊花發禁中大地山河銀色界
九重樓觀水精宮紫宸廊廂寒無價文石庭乾掃不融
又喜來年書大有誰知聖主是天公

稍緩鳴鞭不住催一聲再拜忽如雷封章進了儀曹退
文武班齊上相來白髮兩年陪賀雪紫衣數輩小傳栢
賜休退食端何恨未到西湖探早梅

衝雪送陸子靜

猛落還中歇踈飛忽驟繁平欺蘆屋脊偏護竹籬根對

面看童子低頭印手痕銷魂送行客行客更銷魂

雪中送客過清水閘

雪中出去雪中回深閉牕櫺偶一開
牆裏人家掃簷瓦
玉塵打入轎牕來

肩輿九步十傾欹下有冰河不敢窺
冰上水禽行侶箭
忽逢缺處得魚兒

和皇太子梅詩

清賞堂前隔俗塵南枝得雪曉爭新
獨將却月凌風影

攬獻諸皇第一春

梅山踏雪步生塵
儲后梅詩雪共新
玉句金章雲錦字
問天覓得隔年春

和吳監丞景雪中湖上訪梅

朔風敢傍貴人嚴
約束天花莫入簷
藥玉船寬初漱漱
銷金帳煖政厭厭

七字全勝五字城
清於庾信及鍾嶸
君詩妙絕端何侶
不侶梅花侶麼生

雪與梅花兩逼真不知誰好復誰新無端更入吳融手
剪取西湖半段春

聞君踏雪訪梅花不怕蘇堤十里賒老子怯寒那敢出
地爐楮衲是生涯

早謁景靈宮

夜雪猶飄天目峯曉晴先暖太清宮雲翻孔雀金花碧
日射鴛鴦玉瓦紅百辟焚香官柳影一鷗飛立殿簷東
仰瞻九聖睽龍袞萬歲千秋對昊穹

送吳監丞季行知簡州

名景

勲烈涪陽異姓王，手扶西極漢天長。
有孫文武千人傑，透紙風騷萬字香。
小涉移中公事筆，又懷劍外史君章。
同朝多日相從少，不唱陽關也斷腸。

送陸子靜刪定宮使

朝路江西不十人，又看一箇奉仙真。
可憐議論長傾坐，不管聲名解誤身。
苦憶去年郊祀日，與渠並轡笑談春。
何時相趁滄洲去，雪笠風簑釣白蘋。

雪晴

仙人翦水作花飛，忽化瓊瑤已大奇。
復把瓊瑤化成水，滴來平地總琉璃。

晴光雪色忽相逢，雨滴空階日影中。
珍重北簷殊韻勝，肯留殘玉不教融。

和皇太子瑞雪

白玉花開碧玉天，紫樓繞殿舞翩然。
儲皇善頌天皇德，瑞應金穰萬萬年。

揉雲按霧碎成塵落不曾休
酉達辰鶴禁鏤冰成七字
野人拜賜敢辭頻

雪後曉過八盤嶺詣東宮謝受左司告

扶桑梢上上朝曦起早行遲
却載奔玉作宮城三萬雉
呼僮換馬入金門

玉京世畀大千中銀屋樓臺一萬重
好上寶蓮山上望
南高峯照北高峯

晴後再雪

幸自晴光雪半開誰將泥脚洗瓊瑰水仙上訴姮娥泣
再把天花散一回

滕家仙子六瓊娘煮露為酥不剩漿滴作玉蟲千萬隻
一時飛滿白雲鄉

天上瓊樓萬玉妃月宮學舞試雲衣霓裳未徹天風起
腦子花鈿星散飛

八盤嶺上雪偏清萬斛瓊塵作一傾空裏仰看都不見
碧山映得却分明

讀子房傳

笑賭乾坤看兩龍
淮陰目動即雌雄
興王大計無尋處
却在先生一躡中

雪中講堂賜酒

玉果金柈碼碯觴
春坊傳令賜雲漿
雪中上馬渾如夢
一片飛來醉面涼

袖手垂鞭出帝闈
萬花攔馬舞新春
是時也有青油繖
天上歸來雪滿身

立春後一日和張功父園梅未花之韻

前夕三更月落時東風已動萬花知
江梅端合先交割
春色如何未探支只欠梁溪冰柱句
追還和靖暗香詩
張家剩有蔥根指不把琉璃滴一枝

白頭吟

文君自製白頭吟怨思來時海未深
怨殺相如償底事
初頭苦信一張琴

除却共姜是女師柏舟便到白頭辭
勸渠莫怨終難勸

不道前夫怨阿誰

丁未元日大慶殿拜表賀正

獻歲朝未央新霽快明發晨曦耿五色宿靄歛四徹洗
清萬溝瓦銷盡一月雪素光從何來晶熒落寒笏回瞻
背陰處猶藏半簷白夜來有微霜雪上辨不得時於翠
幕頂拂掠見瓊屑還將黃金日正射白銀闕忽然捲班
出紅綠亂眼顧歸來飲屠酥笑向兒女說

元日癸卯占云大熟

造物今年印司花昨夜交雪留蘆荻脚日到瑞香梢白
叟占嘉應青精看滿抄遊絲也驩喜不住舞蠨蛸

送趙民則少監提舉

漢庭近日少宗盟博選宗英副匠卿高帝子孫誰宿德
翰林風月得先生又持一節湖南去政是三湘鴈北征
但使遠民蒙福了早歸詞禁賦新鶯

座主門生四十年江湖契闊幾風烟同朝再接鴛行裏
握手相看鶴髮前誤喜論詩追舊事不知呼酒是離筵

老懷只作還山夢輸與先生早着鞭

雙峰定水璘老送木犀香

春得鄞江信香從定水來今年有奇事正月木犀開萬
杵黃金屑九烝碧梧骨詩老坐雪窓天香來月窟山童
不解事着火太酷熱要輸不盡香急喚薄銀葉傳語雙
峰老汝師是如來如何一瓣香却為楊誠齋誰言定水
禪入定是枯木飛入廣寒宮收得香萬斛

人日出遊湖上

放閘冷泉亭抽動一天碧平地跳雪山晴空下霹靂
去時數點雨歸時數片雪雨雪兩不多山路雙清絕
舊牘緣多雪新年未有梅慙懃下天竺隔水兩株開
道上吟

肩輿豈不穩萬象非我有呼僮換馬來湖山落吾手
樹隱重重竹溪穿曲曲峰林深那有寺烟遠忽聞鐘
城中雪一尺山中雪一丈地上都已消却在松梢上

遊寺

去歲遊春屐苔痕故可尋
人家隨岸遠塙影落湖深
客愛清殊絕僧愁凍不勝
可憐兜率寺齋供一湖冰
上竺雪來時四山都作凍
團團玉屏風圍繞渾無縫
此行殊忽忽天色不肯借
更待海棠晴滿意孤山下

誠齋集卷二十一

欽定四庫全書薈要卷一萬五千五百九十九

集部

誠齋集卷二十二

宋 楊萬里 撰

詩

朝天集

瑞香花新開

外着明霞綺中裁淡玉紗森森千萬筍旋旋兩三花小
霽迎風喜輕寒索幕遮香中真上瑞蘭麝敢名家

老子觀書倦昏然睡思來夢中誰喚醒
牕外瑞香開只道花頭細能追國艷回
殷勤伴幽獨渠與一瓶梅

短短熏籠小團團錦帕圍浮陽烘酒思
沈水着人衣抹利通家遠楠花具體微
春愁渾瘦盡別有瘦中肥

雪裏移蒼斛梢頭點翠芒只銷三日暖
便坼數花房紫袖染難透瓊膚曬轉香
小留供鼻觀開去未須忙

馨德潛丘壑春風是往還新從衆香國
移種洞庭山孤韵真無對千花莫莫攀
騷經吾欲續譜入芷蘅間

謝李元德郎中餉家釀

長史銜杯太白醺
詠詞笑殺古來人
至今太白一船酒
不飲還將飲子雲

惠山山下玉泉香
釀作鵝兒一拂黃
郎吏只知防姓畢
不知吏部有它楊

初出貢院買山寒毬花數枝

寒毬着意殿餘芳
小底來禽大海棠
初喜艷紅明荅子
忽看淡白散花房
風光不到棘圍裏
春色也尋茅舍旁

便有蜜蜂三兩輩喙長三尺繞枝忙

紫牡丹

萬花不分不春妍究竟專春是牡丹
紫錦香囊金屑暖翠羅舞袖掌文寒
恨無國色天香句借與風條日萼看
家有洛陽一千朶三年歸夢繞欄干

歲歲東風二月時司花辛苦染晴枝
夜輪百斛薔薇水曉洗千層玉雪肌
寒食清明空過了姚黃魏紫不曾知
春愁感得眉尖破何處如今更有詩

上巳同沈虞卿尤延之王順伯林景思遊春
湖上隨和韻得十絕句呈之同社

鵲袍林裏過芳辰聞道春來不識春及至識春春已老
於中更老是詩人

總宜亭子小如拳着意西湖不見痕湖上軒窓無不好
何須抵死揀名園

孤山山後北山前千里長堤隔雨邊一行垂楊綠無縫
石橋通處過春船

天色鬢鬆未肯收
吾儕自樂不曾愁
隨宜旋旋商量着
晴即閒行雨即休

籃輿休上馬
休騎濕却青鞋也
不辭揀取雨絲疎
處去
攜筇且謁水仙祠

雨催杖屨却須回
捲上疎簾眼頓開
十里湖光平似鏡
柳梢梢外一船來

湖上春遊只愛晴
何朝何夕不晴明
絕憐疎雨微雲裏
點綴湖山分外清

凭久欄干可一枯湖山飛入水中來多情燕子能相勸
舞破春風去却回

今年山路少人來酒肆蕭然綺席埃政爾坐愁春寂寞
畫船蕭鼓忽如雷

岸上湖中各自奇山觴水酌雨皆宜只言遊舫渾如畫
身在畫中元不知

跋濠溪汪立義大學致知圖

杏壇何物是家風只在常人阿堵中誰作新圖漏消息

濠溪溪上釣魚翁

此事元無淺與深
著衣喫飯過光陰
却緣說是癡人夢
便向汪家圖裏尋

景靈宮聞子規

今年未有子規聲
忽向宮中樹上鳴
告訴落花春不管
徘徊曉日恨難平
斜風細雨又三月
柳絮浮雲空一生
豈不懷歸歸未得
倩渠傳語故園鶯

寄題劉成功錦里

嘉林市中塵一丈嘉林寺後竹千竿先君授徒竹窓底
我初識君俱少年同師同舍同筆硯火冷燈清飛雪片
春風一夜吹林花南北飄零各星散我今頭白苦思歸
羨君山園芋栗肥為君題作小錦里君應一笑巾墮几
讀淵明詩

少年喜讀書晚悔昔草草迄今得書味又恨身已老淵
明非生面穉歲識已早極知人更賢未契詩獨好塵中
談久睽暇處目偶到故交了無改乃似未見寶貌同覺

神異舊翫出新妙
琬空那有痕滅跡
不須掃腹腴八珍
初天巧萬象表向
來心獨苦膚見欲
幽討寄謝潁濱翁
何謂淡且槁

送謝子肅提舉寺丞

天台山秀古多賢
晚向池塘識惠連
十載江湖州縣底
一言金石冕旒前
方陪廷尉甘棠舍
又賦皇華小雅篇
拾得澄江春草句
端能染寄仄釐牋

誰遣孤舟蓑笠翁
強隨桃李競春風
交情頃刻雲翻手

古意淒涼月印空可笑能詩令謝朓也能載酒過揚雄
待渠歸直金鑾日我已烟沙放釣筒

送錢寺正出守廣德軍二首

四十專城古已稀君侯五七更英奇九重臨遣廷尉正
千里驩迎循吏師鴻鴈同科金玉律鵲鷦先集鳳凰枝
少年勇退無人會孤竹初心遜伯夷

寺正與兄同大法
之科寺正先召用

令其兄補外將還朝寺
正力請外以避其進取

辛卯中書落筆年曾陪學士堵牆間看渠手把州麾去

故里春迎晝綉還我似青蒿君玉樹君方綠鬢我蒼顏
一尊話別休辭醉報政歸來紫禁班

鄉士李英才得老潘墨法善作墨梅復喜作
詩艮齋目以三奇贈之七字予復同賦云

吾鄉李君磊嵬胸夜持雲梯倚秋空中奪得修月斧
斫倒南山千歲松束歸丹竈和玉桂燧出綠霧霏鸞龍
擣成玄圭與蒼壁灑作橫枝歲寒色庾嶺霜林和靖園
掇入生綃供戲劇幻松作壁壁作梅豪氣勃鬱尚不開

瓊艘滿醕梅雪下吐出西湖有聲畫

送姜夔堯章謁石湖先生

釣璜英氣橫白蜺欬唾珠玉皆新詩江山愁訴鶯為泣
鬼神露索天洩機彭蠡波心弄明月詩星入腸肺肝裂
吐作春風百種花吹散瀕湖數峯雪青鞋布襪軟紅塵
千詩只博一字貧吾友夷陵蕭太守逢人說項不離口
袖詩東來謁老夫慙無高價當璫璵翻然却買松江艇
徑去蘇州參石湖

三月二十六日殿試進士待罪集英殿門

金妃瑤階日月邊曉風花柳帶霏烟千官劍佩鳴雙闕
萬國英豪到九天玉座忽臨黃繖正御題初出紫衣

傳小臣何幸陪諸老待罪重來十六年

余壬辰春亦以
省試主司待罪

九虎遮藏造化機御題過午始聞知乾坤闔闢魚文
武雲漢昭回具訓詞武帝上嘉真戲耳放勲清問政如
斯諸儒莫作公孫子千載何曾遇聖時

趙達明太社回於四月一日招遊西湖十首

今日清和和又清王孫領客出都城好天勝日能多少
三到西湖始一晴

畫舫侵晨繫柳枝主人生怕客來遲嬌雲嫩日無風色
幸是湖船好放時

船從詠澤過孤山徑度琉璃一葦間隔岸多情楊柳樹
向人招喚俯烟鬟

御池水滿苑門開涯帶飛花路帶苔到得孤山翻作惡
海棠開日不曾來

萍生兒子點疎星荷捲文書立萬丁回首南高峯上塔
手中攀得玉鈴竈

橘花如雪細吹香杏子團枝未可嘗行到陳朝枯柏處
孤山山背水中央

和靖先生墳已荒空餘松竹故蒼蒼王孫自洗鷓鴣杓
滿酌真珠酌一觴

行盡孤山碧四圍却尋初路得來時好風借與歸船便

吹近瓊林却不吹

聚景園
前小泊

風撩太液小荷歌日麗長楊花影低闌入苑中啼不住
恨身不及一黃鸝

蔥龍晚色正佳哉苦被歸鞍緊緊催船壓浮荷沉水底
須臾船過却浮來

紅玫瑰

非關月季姓名同不與薔薇譜牒通接葉連枝千萬綠
一花兩色淺深紅風流各自燕支格雨露何私造化功
別有國香收不得詩人熏入水沈中

省中直舍因敲新竹懷周元吉

老眼逢書怯細看抄書一事更應難
昨攜如意敲新籜
右臂朝來作許酸

尚有周郎手種痕
懷人將竹當人看
寄言黃鶴樓前客
今歲新添十五竿

老竹堅剛幼竹柔
此君年少也風流
錦衣脫體未全瘦
雪粉圍腰猶半愁

含笑

大笑何如小笑香
紫花不似白花粧
不知自笑還相笑
笑殺人來斷殺腸

枇杷

大葉聳長耳一梢堪滿盤
荔支分與核金橘却無酸
雨壓低枝重漿流水去聲齒寒長卿今尚在莫遣作園官

走筆送濟翁胞弟特往浙東謁拜丘宗卿

出省還家思已昏
答書見客腹仍煩
政愁獨酌無佳客
家裏詩人忽扣門

若見丘遲問老夫為言臞似向來臞更將雙眼寄吾弟
帶去稽山看鑑湖

題西湖僧舍

竹林深處着僧房下却疎簾自炷香書畫隨宜遮四壁
閒歌瓦枕小藤床

省中見樹上啄木鳥戲題

一啄高高一啄低一聲聲急一聲遲可憐去蠹勞心口
蟻入枯槲自不知

山丹花

春去無芳可得尋
山丹最晚出雲林
柿紅一色明羅袖
金粉羣蜂集寶簪
花似鹿葱還耐久
葉如芍藥不多深
青樽瓦斛移山藟
聊著書窓伴小吟

四月十七日侍立集英殿觀進士唱名

殿上臚傳第一聲
殿前拭目萬人驚
名登龍虎黃金榜
人在烟雲白玉京
香滿乾坤書一卷
風吹鬢髮雪千莖
舊時脫却銀袍處
還望清光侍集英

無題

坐看胡孫上樹頭
旁人只恐墮深溝
渠儂狡獪何須教
說與旁人莫浪愁

張功父索余近詩
余以南海朝天二集示之
蒙題七字

作者于今星樣稀
淒其望古駟難追
空桑孤竹陶元亮
玉佩瓊琚杜拾遺
自笑吟秋如嬾婦

蟋蟀也見古今注

可能擊

鼓和馮夷報章不作南金直慙愧君家丙稿詩

蒲萄架

纔喜盤藤捲葉生又驚壓架暗陰成
夏寒涼潤青油幕秋摘甘寒黑水精
近竹猶爭一尺許拋鬚先冒兩三莖
今年乞種西江去長是茅齋怯晚晴

送沈虞卿秘監修撰將曹江東

蓬萊仙伯沈東陽領袖諸儒太極旁
東壁二星雲漢近西崑羣玉簡編香
雞翹豹尾無多子錦纜牙樯有底忙
建業江山入詩集却歸天上侍虛皇

再入修門訪舊遊故人相見喜還愁茂林修竹君髯碧
折葦枯荷我鬢秋莫把昇沈着懷抱古來賢聖幾公侯
一尊追送江東棹夢逐清波弄白鷗

臨賀別駕李子西同年寄五字詩以杜句君
隨丞相後為韻予走筆和以謝焉

我本南溪老手弄溪中雲誦詩愛招隱讀騷續湘君忽
捧公府檄遂遠先人墳春暮歸未得落花正紛紛

老拙誰肯伴束書自相隨此外無長物猶有一鷗夷小

醉即孤詠自遣不要奇西湖妙天下未羨習家池

謫仙幾代孫今日臨賀丞風月三千首吾子豈未能長
把修月斧細彫玉壺冰天池羽翼就即看垂天鵬

曲江與臨武彼此昔相望一嶺大如礪誰云隔尋丈離
合非人力此事要天相昇沉亦偶然豈問優與穢

買山蕝花竹長恐落人後不見竹林人山上非俎豆市
門能幾許掉臂日奔奏遲子來朝天商略陳薄陋

遊水月寺

於日鳶雲乍暑天倦投山寺借床眠清涼世界誰曾到
却在紅塵紫陌邊

題水月寺寒秀軒

小寺深門一逕斜繞身縈面足烟霞低低簷入低低柳
小小盆栽小小花經藏中間看佛畫竹林外面是人家
山僧笑道知儂渴其實迎賓例瀹茶

歸塗觀劉寺新疊石山

風月肝脾冰雪胸道人妙手鑿虛空斲翻諸嶺雲烟骨

幻出山巖紫翠峰細看分明非飢餒如何彫得許玲瓏
為誰苦死忙歸去知是斜陽促晚鐘

題劉寺僧房

曾醉山間金叵羅山應識我我懷他頓添花竹明松檜
依舊菰蒲暗芰荷試問錦屏無恙否向來梅樹已無多
未須看遍新亭榭勝日重來一一過

和嚴州添倅趙彥先寄四絕句

不見王孫今九春新詞麗曲爽心神只言風月平分破

却是江湖一散人

自搏蒼壁自抄書雪乳一甌香一爐
有得俸錢無吏責如公官況世間無

昌歎佳辰風自南黃梅釀出雨
鬢髮綺琴繡段能分侶報不如儀獨不慙

雛鳳今年又一鳴芝蘭秀發不曾停
州前爭探黃金榜却報城隅最冷廳

洪丞相挽辭

乾道扶初旭中台煥五雲纔登右丞相已拜大觀文胡
不遲期月看渠集茂勲一朝驚玉折千載歎芝焚
高議春江壯長身野鶴孤生涯一杯酒行李五車書凡
例今遷叟聲名後老蘇岷峨氣悽愴不為玉將珠

戲題簷前蜘蛛

屋角籬邊竹樹陰可憐用盡許機心凝身不動如無物
頓網輕搖識有禽絲貫日華明五色戲隨風舞忽千尋
看渠經緯來還去忘却摧墮立不禁

卷二十二
跋忠敏任公遺帖

諱伯雨

市中貨鵝作參苓遮莫秦和苦口爭殺盡蒼生消底物

卞京兩把老蔓菁

公帖中謂曾布為參政首句云云卞京謂二蔡也

同尤延之京仲遠玉壺餞客

南漪亭上據胡床不負西湖五月涼十里水風已無價
水風底裏更荷香

金杯玉酒沈

去聲

寒冰青李來禽尚帶生不是此間無暑

氣湖風吹取過臨平

玉壺餞客獨趙達明末至云迓族長于龍山
且談道中事戲為紀之

南山行盡到西湖却上扁舟赴玉壺十里便成三十里
暑中何處不長塗

公子來從火傘中解衣未定語忽忽山行觸熱端何事
夾路楊梅樹樹紅

食蓮子

綠玉蜂房白玉蜂折來帶露復含風玻瓈盆面冰漿底

醉嚼新蓮一百蓬

白蓮

井花新插白芙蕖坐看紛紛脫雪膚且拾落英浮水面
玉舟撿亂滿江湖

酷暑觀小僮汲水澆石假山

堂後簷前小石山一峯瘦削四峯攢忽騰絕壁三千丈
飛下清泉六月寒乃是家僮聊戲事倒傾古井作驚湍
老夫畏熱年來甚更借跳珠裂玉看

清曉湖上

山腰輕束一綃雲
湖面初顰半蹙痕
未說湖山佳處在
清晨小出湧金門

菰月蘋風逗葛裳
出城趁得上番涼
荷花笑沐燕支露
將謂無人見曉粧

六月西湖錦繡鄉
千層翠蓋萬紅粧
都將月露清涼氣
併作侵晨一噴香

大兒長孺同羅時
清尋涼監橋

燈火希疎夜向中
追涼只與熱相逢
意行行到新橋上
兩岸無人四面風

曉出兜率寺送許耀卿

天竺興雲線許長
須臾遮盡衆蒼蒼
何如灑作千峯雨
乞與都城六月涼

兜率山深露氣清
柳陰暗處藕花明
無端拾得閒煩惱
背却西湖又入城

蒲橋寓舍劇暑

三歲都城寓遠坊今年一熟古無雙夜來何處山村雨
涼到蒲橋橋北窓

林景思寄贈五言以長句謝之

華亭沈虞卿惠山尤延之每見無雜語只說林景思試
問景思有何好佳句驚人人絕倒句句飛從月外來可
羞王公薦穹昊若人乘雲駕天風秋衣剪菊裁芙蓉暮
宿銀漢朝蓬宮我欲從之東海東西湖柳色二三月相
逢一笑冠纓絕醉招和靖叫東坡一吸西湖水欲竭我

醉自眠君自顛
路人往往指作仙
此輩何曾識此樂
識與不識俱可憐
別時花開今已落
思君令人瘦如鶴
夢裏隨君攜酒瓢
同登天台度石橋
瀑泉界天瀉雲窟
長松拔地攬烟霄
與君聯句章未了
帝城鐘動西峯曉
海風吹墮珊瑚枝
乃是先生寄我詩
火雲燒江江水沸
君詩清涼過於水
定知來自雪巢底
恍然坐我天台寺

李仁甫侍講閣學挽詩

紫橐猶黃帽
青燈到白頭
芝庭過晁董
金鎖續春秋
曉

月承明寂東風玉壘愁慙慙倩潮水將淚去西州
家譜忠仍孝詞林博更宏牧羝無羈子雛鳳有難兄誰
謂身非達其如道不行青蠅滿天地白日轉清明

太令人田氏挽辭二首

王侍郎謙
仲之母

天竺瓊為岫西湖錦作春輕軒過微雨小宰太夫人遊
覽年年好恩封日日新如何君氏賄忽費水衡銀

家食初偕隱君羹晚得嘗金花千軸告玉樹五枝香咫
尺相山室蔥蘢瓦廟岡真令淮水絕依舊慶源長

故王氏令人挽詩二首

陳安行
舍人妻

貝葉參祇樹著簪當副筭來嬪舍人室如古大夫妻鸞
誥金花濕芝庭玉樹齊藥成奔月去寂寞海山西
西掖梧方茂南瀕藻已蕪謝庭風絮遠潘室月窓孤有
訓才吾子無人乳阿姑弔賓成白鶴卜地得青烏

錢仲畊殿撰侍郎挽詩二首

易髓三爻表恩波九里揚貫珠程氏傳炊玉范家莊荷
橐中年紫雲籤到老香不應踰耳順便返白雲鄉

使節三持玉州輜兩畫熊雪山郇寶白冰漕太倉紅理
世非輕士才難會憶公石峯當西子作殉送青楓

周子及監簿挽詩二首

科目連雙中聲名莫二渠手曾攀折檻客有泣辭車速
化非吾事偷閒只古書黑頭黃壤去有吳定何如

投老欣相得論心恨較遲披文流涕疏分韵泛湖詩天
奪過逢樂人興殄瘁悲何須金馬客解製玉樓辭

誠齋集卷二十二

欽定四庫全書會要卷一萬五千六百

集部

誠齋集卷二十三

宋 楊萬里 撰

詩

朝天集

寄題劉凝之墳山壯節亭用輓轡體

見了廬山想此賢
此賢見了失廬山
胸中書卷雲凌亂
身外功名夢等閒
一點目光牛背上
五絃心在鴈行間

欲吟壯節題崖石筆挾風霜齒頰寒

寄題周元吉湖北漕司志功堂

周郎昨贊元戎幕夜眺秦川登劍閣函關不用一丸泥
談笑生風掃河洛君王尺一喚渠回貯之鳳閣與鸞臺
不贊元戎贊丞相筆補造化裨鹽梅龍媒志在橫八極
天開玉轡羈不得又揮白羽岸綸巾却去武昌尋赤壁
一覽亭前山月明志功堂下大江橫前稱公瑾後元吉
君家世有千人英公瑾小喬在何許元吉小蠻花解語

看君一箭落邊星如皐一笑傾人城金印如斗帶萬釘
何人為作燕然銘

曉出淨慈送林子方

出得西湖月尚殘荷花蕩裏柳陰間紅香世畛清涼國
行了南山又北山

畢竟西湖六月中風光不與四時同接天蓮葉無窮碧
映日荷花別樣紅

題北山教場亭子

掌樣毬場五百弓帝城何地似亭中
北山南畝南山北
獨愛西湖萬頃風

送林子方直閣秘書將漕閩部

纔趁鋒車入帝關又持使節過家山
作仙茶圃芝田裏
寓直蓬萊藏室間握手清談紗帽點
羨君白日綉衣還
來年貢了雲龍壁便綴金鑾玉笋班

梅花國裏荔枝村頗記張燈作上元
一別頻蒙訪生死
七年再見叙寒溫屬當閔雨祈羣望
不得臨風共一尊

誰為君王留國士
吾衰猶擬叫天閭

亦聞小泊贊公房
清曉扶藜叩上方
君與一僧游別嶂
我行百匝繞長廊
風巾霧屨來雲外
雪檜霜松滿袖香
政是炎官張火傘
不應多取海山涼

送李伯珍主管西歸

淡墨題名冠子衿
一星州縣歎浮沉
向來寄我南樓賦
不減古人東武吟
几閣文書聊韞玉
蘭臺筆札即紬金
李家兄弟鵷鷺侶
一日雙飛入上林

聖上閔雨徧禱未應下詔避殿減膳感歎賦
之

夏旱焚如復入秋聖皇避殿減瓊羞數峰北峙雲垂
脚一陣西風雨又休逐日望霓穿却眼何時倒海作奔
流諸賢袖有為霖手不瀉天瓢洗主憂

七月二十三日題李亨之墨梅

夏熱秋逾甚寒梅暑亦開無塵管城子幻出雪枝來

牽牛花

素羅笠頂碧羅簷晚卸藍裳着茜衫望見竹籬心獨喜
翩然飛上翠瓊簷

莫笑渠儂不服箱天孫為織碧雲裳浪言偷得星橋巧
只解冰盤染菰薑

曉思歡欣晚思愁繞籬縈架太嬌柔木犀未發芙蓉落
買斷西風恣意秋

江下送客

却因送客動歸心過市逢喧悶不禁偶見人家好池館

柳行盡處一亭深

和姜邦傑春坊續麗人行

卽東坡集中周昉畫背面欠伸內人東坡賦之
韓子蒼又賦之今姜君又賦之予因和姜韵

玉人自惜如花面不許黃鸝鸚鵡見若令畫史識傾城
寫盡人間屏與扇春光嬾困扶不起吹殘玉髻也慵理
是誰瞥見一梳雲微月影中掃穠李阿昉姓周不姓顧
筆端那得蓮生步無妨正面與渠看看了丹青無畫處

古來妍醜知幾何
嫫母背面謗人多
君不見漢官六六
多少人畫圖枉却
王昭君是時當面
看寫真却遣琵琶
彈塞塵不如九京
喚起文與可麝煤
醉與竹傳神

和姜邦傑春坊再贈七字

可笑詩人死愛名
叨間長作候蟲聲
鍊成九轉丹砂着
贏得千莖白雪生
政使古今傳不朽
不知身世竟何成

老夫老去真休去
一聽梅山主夏盟

姜有梅
山集

木犀初發呈張功父

塵世何曾識桂林花仙夜入廣寒深移將天上衆香國
寄在梢頭一粟金露下風高月當戶夢回酒醒客聞砧
詩情惱得渾無賴不為龍涎與水沉

又和

詩人家在木犀林萬頃湖光一徑深夾路兩行森翠蓋
西風半夜散麝金邀賓把酒盃浮玉擘水庖霜膾落砧
掇取仙山入京洛不妨冷眼看昇沉

分得吳剛斫處林鶯兒酒色不須深系從犀首名千木

派別黃香字子金衣漉薔薇兼水麝韵如月杵應霜砧
餘芬薰入旃檀裏從此人間有桂沉

端能小脫簿書林招喚詩流卜夜深老我愁顏半山玉
憑君淺酌一荷金水邊賞桂秋圍坐雨後摘蔬香滿砧
乘醉却來湖上戲手翻波月看浮沉

約齋詩客坐詩林派入江西徹底深縫霧裁雲梭織錦
明堂清廟玉搃金已呼毛穎哦蠶白更約姮娥聘橐砧
細詠新來木犀句一燈明滅夜沉沉

老子江西有故林萬松園裏桂花深憶曾風露飄寒粟
自領兒童拾落金割蜜旋將揉作餅擣香須記不經砧
一枝未覺秋光減燈影相看萬籟沉

帝城底裏有山林桂樹團團烟霧深玉臂折來數枝月
銀髯羞插滿頭金談間千首有此客空外一聲何處砧
酒亦銷愁亦生病不須不醉不須沉

題徐衡仲西牕詩編

江東詩老有徐郎語帶江西句子香秋月春花入牙頰

松風澗水出肝腸居仁衣鉢新分似吉甫波瀾併取將
嶺表舊游君記否荔枝林裏折桄榔

題吳夢與古樂府

金麥褰帷銀蒜鉤水光殿後月華樓鶯歌花笑柳起舞
何處人間更有愁吳郎那得吳宮語夢裏苧羅人道許
低紅揜翠曲未終小兒索飯啼門東

賀皇太子九月四日生辰

金莖分露與黃花銀漢非烟作瑞霞萬國元良當誕節

重輪日月正光華祖堯父舜真千載禹子湯孫更一家
清曉壽觴天上至蟠桃如甕棗如瓜

典學光陰璧不如簡編燈火卷還舒極知儲后勤稽古
却是儒生懶讀書心到帝王圖籍外手追雅頌國風初
人間未見瑤山集十倍曹丕尚有餘

題董頤中興慶壽頌

炎暉十葉生太皇卽宋光武趙少康皇穹柱折地無軸
再闢三極紀八荒與天同仁自同壽八十萬歲登九九

淳熙天子駕蒼龍春王三朝領羣后
是時雪花曉尚飄日華飛來雪
即銷玉卮灩海泛椒柏寶冊錯
錦瓊瑤虞典漢儀照億世可無
鴻筆描天下帷窺園幾代孫
濃墨大書三萬字點竄封禪典
引辭塗改皇武貞符詩珠璣金
玉槌作屑鑄出夏鼎仍商彝岐
陽石鼓魚貫柳浯溪石崖非好
手誰將臣陳中興慶壽篇刻之
玉版藏名山可千萬年千萬年

石榴

深著紅藍染暑裳
琢成鮫玳敵秋霜
半含笑裏清冰齒
忽綻吟邊古錦囊
霧縠作房珠作骨
水精為醴玉為漿
劉郎不為文園渴
何苦星槎遠取將

九月十日同尤延之觀淨慈新殿

昨雨敗重九
謂併敗此行
雲師出小譎
垂曉偷放晴
初愁落君後
我反先出城
竚立已小倦
喜聞馬來聲
南山有新觀
大殿初落成
入門山脊動
仰目天心橫
柱起龍活立
簷飛鵬怒昇
影入西湖中
失盡千峰稜
天竺拉靈

隱駿犇絕來庭老禪定何巧幻此壯玉京書生茅三間
飢眠方曲肱

看劉寺芙蓉

初約山寺游端為怪奇石那知雲水鄉化作錦繡國入
門逕深深過眼秋寂寂隔竹小亭明稠紅漏疎碧山僧
引幽踐絕巘恣佳陟三步綺為障十步霞作壁闌如屏
四圍搭以帔五色滿山盡芙蓉山僧所手植秋英例臞
淡此花獨腴澤却憶補外時朝士作祖席是間萬株梅

卷二十三
冷射千崖白舊游不可尋雪枝半榛棘

劉寺展繡亭上與尤延之久待京仲遠不至
再相待於靈芝寺

南山十日菊秋酌有前諾東省三同舍山行何用約也
復相丁寧彼此撥忙着清晨到劉寺十步輒倚薄望君
久未來細意揀巖壑上到展繡亭聊復休倦脚回覽西
湖天向我懷中落山幽人轉孤境勝情反惡昔賢願獨
往對影誰與樂或者欣羣游避喧那可却我隨梁溪叟

觴次饒驪謔坐無山浦翁談間頓蕭索斜陽更待渠小
向靈芝泊

買菊

老夫山居花繞屋南齋杏花北齋菊青春二月杏花開
抱瓶醉卧錦繡堆涼秋九月菊花發自折寒枝插華髮
湘纍落英曾幾何陶令東籬未見多吾家滿山種秋色
黃金為地香為國就中更有一丈黃霜葩月蕊耿出牆
飲徒亡酒尋不得尋得一身花露香如今小寓咸陽市

有口何曾問花事百錢擔上買一株聊伴詩人發幽意
朱新仲舍人瀟山詩集其子軼叔止見惠且
有詩和以謝之

瀟山詩伯錦裁篇玉樹郎君手為編美似洛花爭曉靚
清如江月赴秋圓力追杜老今誰擬親得陵陽夜半傳
再拜一吟三太息青燈細雨伴淒然

再和謝朱叔止機宜投贈獎及南海集之句
重陽風雨不全篇春草池塘豈滿編好句誰言較多少

古人信手斲方圓自慙下下中中語只合休休莫莫傳
珍重銀鈎揮玉唾竟無瑤報只空然

來詩有獎二千篇之句故首章及之

經和寧門外賣花市見菊

病眼仇冤一束書客舍葭莩菊一株
看來看去兩相厭花意索寞恰似無
清曉肩輿過花市陶家全圃移在此
千株萬株都不看一枝兩枝誰復貴
平地拔起金浮圖瑞光千尺照碧虛
乃是結成菊花塢蜜蜂作僧僧作蝶
菊花障子更玲瓏生採翡翠鋪屏風
金錢裝面蜜如積

金鈿滿地無人拾先生一見雙眼開故山三逕何獨懷
君不見內前四時有花賣和寧門外花如海

九月十五夜月細看桂枝北茂南缺未經古
人拈出紀以二絕句

桂樹冰輪兩不齊桂圓不似月圓時吳剛玉斧何曾巧
斫盡南枝放北枝

青天如水月如空月色天容一皎中若遣桂花生塞了
姮娥無殿兔無宮

和張功父病中遣懷

人自窮通詩自詩管渠人事與天時鶴長未便嫌鳬短
梅早那須笑杏遲公子近來懽說病老夫秋至不曾悲
人生隨分堪行樂何必蘭亭與習池

早入東省殘月初上

秉燭趨省署兩街猶閉門素娥獨早作碧沼澣黥盆寶
釵剝見漆半稜光剝銀忽作青白眼園視向我嗔黑氣
貫瞳子側睨不敢真皎然一玉李前行導征輪熒然數

金粟後扈從車塵朝雞傳三令都騎爭載奔星芒銷欲
無月影淡失痕金鴉飛上天吐出紅龍鱗

緩轡入東宮門望漁浦山

魚浦孤峰入九城承華門裏寂分明馬頭看得山低去
夾道芙蓉紅露聲

和徐衡仲惠詩

風騷壇上徑雄超不作俳辭笑矣乎紙落雲烟看醉旭
氣含蔬笋薄僧殊夜來霜月千家滿雨後風埃半點無

安得與君幽討去一觴一詠惱西湖

和張功父夢歸南湖

一生兩事苦相關從仕居貧併作難顧我雪穿行脚屨
羨君身作在家官曉分京兆月半壁夕問南湖水幾竿
桃李能言春滿坐向人猶自訴春寒

張功父請祠甚力得之簡以長句

老夫不及朱師古納却太常少卿得潼府老夫不及張
約齋乞得華州仙觀名雲臺今印如斗床滿笏富貴何

曾膏白骨一世窮忙為阿誰終日逢人皺兩眉賣身長
鬚仍赤脚忍面墻間乞東郭添丁德曜喜欲顛孤竹一
簞真箇錯張君有宅復有田朱君歸去無一錢老夫老
矣不歸去五柳先生應笑汝

三老董公

一色三軍雪染衣拔山氣力陡然衰三王事業皆由子
却是良平不得知

利州路提刑祕書張季長送洮研發視乃一

段栢木也作詩謝之

繡衣使者凜霜威
方丈仙人舊羽儀
別去十年真一夢
書來萬里寄相思
如何綠石涵風面
化作青銅溜雨枝
却送新詩報嘉惠
偷兒當不要新詩

送德輪行者

瀝血抄經奈若何
十年依舊一頭陀
袈裟未着愁多事
着了袈裟事更多

擬上舍寒江動碧虛詩

江遠澄無底秋深分外寒太虛元碧淨倒影動清湍浪
雪翻空碎天藍落鏡看光搖蘆葉冷聲戰蓼花乾畫手
瑣心苦詩脾覓句難人間那有許我欲把漁竿

送朱師古龍圖少卿帥潼川

璧水蓬山徧羽儀頌臺公府更光輝紫荷到眼隨持橐
黃菊關心便拂衣鶯子運籌年尚少買臣衣繡日思歸
小煩諭蜀須還報却袖香烟侍太微

甲戌花時策集英相看鬚髮各青青曲江初別春三月

北闕重來再一星百石去官君侶邴千年歸鶴我輸丁
回書若寄楊負外莫道山寒少茯苓

高宗聖神武文憲孝皇帝輓詩

芒動長星帚親揮却日戈再令天有桂一疋海無波黃
屋非堯樂薰琴付舜歌祇書

闕

更造今光武中興昔武丁雲昭河洛畫天作典謨經立
極餘三紀頤神再一星堯山鄰禹穴松雪蔚爭青

記夢

夢遊一山寺山水清美花草芳鮮未見寺而
聞鐘夢中作三絕覺而記之

雲岫花相複霜鐘韵政遲忽然數聲急却是住撞時
水動花梢動花搖水影搖不知各無意為復兩相招
霧外知何寺鐘聲只隔山望來無里許還在九霄間

題眉山程侯所藏山谷寫杜詩帖

杜家碧山銀魚詩黃家虎卧龍跳字六丁難取真宰愁
程家十襲今三世程家蘇家元舅甥子瞻正輔外弟兄

正輔有孫文百鍊筆倒三江胃萬卷公車獻策五十篇
玉札國體耽化源遠謀小扣囊底智瓌詞未出海內傳
三年抱璞咸陽市子虛無因達天視如今却買巴峽船
峨嵋山月秋正圓丈夫身健恐不免卽召枚臯未渠晚
題臨川李子經文藁

聖經賢傳緊關津騷客詩家妙斧斤總被先生漏消息
不令後輩隔知聞都城一日紙增價天下幾人貧似君
不要綈袍却歸去平生笑殺送窮文

送喻叔奇工部知處州

厭直舍香與握蘭一麾江海沂水灘括蒼山水名天下
工部風烟入筆端新國小遲懷印綬故園暫許理漁竿
即看治行聞天聽紫詔徵還集孔鸞

送劉童子

天上麒麟地上行掌中珠玉月中生瀾翻六籍吞諸子
聲動三公及九卿別有詩書真事業不應童子是勲名
長成來奏三千牘桃李春風冠集英

題劉道原墓次剛直亭

山南山北蔚松楸四海千年仰二劉迂叟餽鱸寧凍死
伯夷種粟幾時秋平生鐵作三尺喙土苴人間萬戶侯
廬阜作江江作阜始應父子不傳休

除夜張功父惠詩索荆溪集次韵送淮

早誦荆溪集應無桂隱詩梅邊五字律管底一斑窺新
歲來朝是流年去浪移誰能守除夕妨我夢歸時

題畢少董繡經圖

畢敷文少董名良史紹興初陷敵境居汴閉戶
著春秋正辭論語探古書有宋哲夫李願良輩
執經師之好事者寫為繙經圖宋執一卷書背
立且讀且指李執一卷書向其師若有問者而
少董坐一榻上後有二女奴各有所執而阿冬
者坐其間少董之季子也女奴之髻者曰孫壽
冠者曰馬惠真哲夫名城願良名師魏云

宋生把卷讀且指李生把卷問奇字榻上坐着一老子

右手秉筆袒左臂春秋論語訓傳成未成胃中有話頗
欲告兩生欲呼小白拉重耳同討犬戎尊帝京蠶妾不
解事兩生未可語冬郎政兒癡誰能復憐許繡經未了
報歸期攜書歸來獻玉墀塞塵滿面無人識回首兩生
斗南北

戊申元日立春題道山堂前梅花

今年元日不孤來帶領新春一併回夜雨初添石渠水
東風先入道山梅不妨數朶且微破未要十分都放開

江路野香元自好阿誰移取種蓬萊

龍山送客

念念還鄉未得還偶因送客到龍山
分明認得西歸路只是回車却入關

無奈鄉愁只強忘龍山喚起再思鄉
故鄉依舊千山外却被龍山斷殺腸

問春

今歲春歸不小心合將消息報園林
蘇公堤上千枝柳

二月猶慳半縷金

元日春回不道遲
匆匆未遣萬花知道
山堂下紅梅樹
速借晴光染一枝

曉入秘書省過三橋

船底吳儂尚晏眠
一船炊飯數船烟
行人各自東西岸
抵死回頭看兩邊

謝譚德稱國正惠詩

今年日瘦天不喜
玉皇顏慘方諸淚
草木無光紅紫遲

春半何曾有春意誰將好手挽春回割取錦江春色來
七星橋邊楊柳動百花潭上桃李開乃是國子先生贈
詩卷筆下東風隨手轉君不見李家謫仙吟掉頭解道
峨眉山月半輪秋又不見蘇家老仙冰琢句更說只恐
夜深花睡去先生辦着錦繡腸竭來西湖山水鄉乞君
湖山入詩囊敬嗣兩仙一瓣香

連日二相過史局不到省中後園杏花開盡

史館頻催史筆遲道山還解有忙時後園兩日不曾到

開盡杏花人不知

省中新柳

元日新春已早歸却緣春雪勒春遲
一年柳色今何侶
政是纔黃未綠時

讀梁武帝事

眼見臺城作劫灰一聲荷荷可憐哉
梵王豈是無甘露
不為君王致蜜來

跋悟空道人墨蹟

臨川蔡教授說之母徐氏諱蘊行自號悟空道人學虞書得楷法手抄佛書跋以五言

葱嶺書如積銀鈎墨尚新前身虞學士今代衛夫人曲水修蘭楔明珠採洛神更令添此帖急就不須珍

誠齋集卷二十三

謹案卷二十一第二頁後一行玉山頻起誰扶着
按頻一本作顚

卷二十二第十四頁前二行知是斜陽促晚鐘原
本促訛是據別本改

卷二十三第十一頁前六行平地拔起金浮圖原
本圖訛屠今改

第十三頁後二行忍面牆間乞東郭按宋詩鈔面
作向

第十五頁後一行山水清美原本水字衍多寺字

據別本刪





總校官庶吉士臣張能照

校對官庶吉士臣陳文樞

謄錄監生臣周燮